

Иордания тарихий масжидида ёнғин содир бўлди



19:00 / 18.07.2019 1978

Иордания пойтахти Амман шаҳрида жойлашган Хоссейни масжиди чоршанба куни ёқиб юборилган. Бу ҳақда Иордания оммавий ахборот воситаси хабар беради.

Ёнғин 50 квадрат метр бўлган масжиднинг иккинчи қаватига ҳамда масжид кутубхонасига ўтган. Маҳаллий манбаларга кўра, ёнғин оқибатида ҳеч ким яраланмаган ва аланга бартараф этилган. Амман шаҳар ташкилотининг жамоатчилик билан ишлаш бўлими унинг ходимлари масжиддаги оловдан кейинги тутунни йўқотиш учун ҳаракат қилаётганини маълум қилди.

Маълумот ўрнида Хоссейни масжиди Иордания пойтахти Амманнинг энг қадимги масжидларидан бири ҳисобланади. Ушбу масжид иккинчи халифа даврида қурилган бўлиб, Абдуллоҳ II томонидан қайтадан таъмирланган. Бугунги кунда масжидга кўплаб сайёҳлар ташриф буюради.

Islom.uz портали таҳририяти